

S 2653

673416

十方冊

卷貳拾肆新增

外科

簡便驗方

癰疽脈候

洗藥彙方

各部引經

敷貼彙方

主治彙方

驗方新編

拾陸



南京中医药大学图书馆版权所有

驗方新編新增卷之二十四目錄

癰毒門

經驗簡便彙方

瘡毒洗滌彙方

藥散敷貼彙方

外科醫治要訣

寒熱虛實脈候

各部引經用藥

外科主治彙方



南京中醫藥大學圖書館藏

驗方新編新增卷之二十四

癰毒門

應與卷十一癰毒諸症合並參看

經驗簡便方

治一切癰疽發背疔瘡魚口無名腫毒諸般惡瘡但求成膿一服即消活人甚衆屢見奇效

用生白礬末參錢以飯少許同搗爲丸葱白七根煎湯送下少頃再煎葱湯壹碗服之蓋被取汗立愈雖味澀難服其效如神凡窮鄉僻壤及車船馬跡之間不便醫藥者將此方廣爲傳送功德無量 凡一切腫毒瘡癰以皮紙蘸生明礬水頻頻搭患處其瘡毒可消



南京中醫藥大學圖書館藏書

又治背疽方 瓜蒌壹個 乳香 沒藥各五錢 甘草

叁錢 用好陳酒煎服即愈 又治一切奇瘡異毒並無

名腫毒用肥皂莢去子弦去筋搗爛以好醋調敷立愈

愈再敷 又方 用赤小豆研末以雞蛋白調塗初起者

消已成者敷四圍即收小出膿已潰者敷之即收和易愈

又方 用芙蓉花或葉或皮或根搗爛敷之初起即消

已成即潰已潰即斂奇驗奇效或加入赤小豆末敷之妙更

治瘡癰方

凡瘡癰初起用明礬雄黃各半研極細末膏藥上貼之即

愈 又治一切熱癰方用芙蓉葉菊花葉各半搗爛敷之極效

一切腫毒驗方

杏仁不拘甜苦皆可用刮開兩瓣選邊角全者數枚塗
塘雞糞加麝香末些須罨在瘡上卽吸住不脫移時毒聚
則杏仁迸起隨以第貳枚罨之如仍前吸住迸起乃毒未
盡也卽以第叁枚罨之其毒起必輕一觸卽脫無不愈者
又方 用山藥搗成泥敷之 又方 葱白七根蜂蜜壹
兩同搗爛敷之 又方 大黃 姜黃 草烏各等分晒
乾研末同葱蜜搗爛敷之 又方 田州三七用醋磨濃
汁塗之瘡毒卽散如已破者卽研末乾摻之 又方 生
芋頭壹個 獨核肥皂壹個 葱白七個同搗爛敷之如

乾卽換過壹日未成者卽散已成者畧出膿血卽愈 又

方 用馬牙煨灰存性研末黃酒冲服或以剗下馬蹄木

煨灰存性研末酒服亦可未成能消已成定痛出頭 又

方 初起卽用雞蛋壹個取蛋清去蛋黃黃不在粗碗內

粗鉢可用生明礬壹大塊磨濃汁不時塗搽患處如未消再

磨雞蛋壹個搽之叁個卽消若已患多日此方不治 又

方 先用陳米醋洗過再用整根白鳳仙花卽脂甲花搗爛敷

之 凡惡瘡初起者急用爛漚雞糞雄雞糞更妙連敷數

次卽消雞糞最能敗毒或加荔枝核研末調敷尤效屢試

屢驗夜深鄉僻一時無處覓藥者誠救苦靈丹也

治一切無名腫毒方

澤蘭壹兩

廣膠炒珠五錢

白芨叁錢

川酒各

煎服發汗卽愈上身加白芷下身加牛膝各叁錢連服數

劑腫消痛止雖發背等症均見奇效

又方

用大瓜

壹個頂上切去壹片將子挖盡裝入婦人篋下油淋亂髮

壹大團再入生明礬叁錢以滿爲度仍將切下之片蓋口

通身以黃泥包裹新瓦上微火煨存性去泥研細末黃酒

送下未潰者內消將潰者出膿收口重者不過叁服卽愈

又方白芨壹味不拘多少爲細末溫水攪之澄清去水

綿紙攤貼又方猪胆汁生薑汁蜂蜜各半酒杯其和

勻不住手塗擦四圍一夜卽消 又方 鮮牛蒡子根葉
搗爛敷之 又方 七葉黃荊五葉不用或葉或梗燒灰存性
麻油調搽瘡濕卽用末乾摻之此治無名腫毒外科不傳
之秘藥

又方 治無名腫毒

大黃叁兩 黃芩叁兩 黃柏叁兩 陳小粉貳兩
右藥俱炒黑共研細末用醋調敷

治搭手發背癰瘡方

葱白壹觔 石灰貳觔 馬齒莧壹觔 叁味濕搗如泥
作餅陰乾研細末調貼瘡上

馬齒莧膏

壹名長命菜

或服或敷能解百毒鮮者搗成膏乾者水浸透熬成膏亦可治楊梅瘡遍身如癩喉硬如管者用馬齒莧煮水或酒或水煎服蓋被取汗卽愈並搗膏敷之治發背諸瘡毒及疔毒用馬齒莧牛觔酒水煎服壹服取汗或服或熱參服消腫全愈外仍搗膏敷之治多年頑腫膿瘻疼痛不收口者以馬齒莧搗膏頻敷一日一換數日後腫消腐盡內有紅肉如珠時再另上生肌藥治丹毒熱瘡面腫唇緊俱搗濃汁頻塗之治癰疥極癢無藥可愈搗汁敷之立止治男婦臍下生瘡痛癢連及陰戶搗膏四兩

馬入新編
卷二
拌青黛壹兩烘熱敷患處

治濕癰白禿搗膏加炒紅石

灰壹分調敷乾則再蘸汁潤濕

金銀花酒
一名忍冬藤

治一切無名腫毒及異瘡惡毒以金銀花搗汁沖黃酒熱

服又方治癰疽發背初起用金銀花連藤搗碎壹大

把搗爛入酒少許塗敷患處四圍只留壹口洩其毒氣再

用金銀花五兩生甘草節壹兩水叁碗淡酒壹碗慢火煎

至貳碗去渣分作叁服壹晝夜服完病勢重者連服叁劑

至大小便通利則藥力始到而瘡自消矣屢見奇效治

口乾煩渴或食後卽饑將來必發癰疽宜預解諸毒用金



銀花或熬膏或煎汁早晚酒冲服 治熱毒血痢將金銀

花藤煎汁服之 治脚氣作痛並治婦女下淋均用金

花研爲末熟酒冲服

蒲公英方 名 黃花地丁

鄉間到處皆有正中獨出莖一顆開黃花一朶者即是

治婦科吹乳乳癰乳痛等症要藥用蒲公英水煎濃汁兌

酒冲服並將渣搗敷患處卽消 治痔瘡疼痛將蒲公英

煮熟壓乾切碎麻油拌食貳觔卽愈 治發背雖青黑色

者搗爛貼之叁日內肉色如初卽愈惟已破者不可敷貼

治一切無名腫毒新鮮搗爛敷之乾者熬膏敷貼亦妙

治婦女熱淋蒲公英搗汁黃酒送下 以上馬齒莧金銀

花蒲公英參品爲瘡家之要藥隨地皆有不費分文預爲
收存能治大症

銀花甘草湯

金銀花貳兩 生甘草節參錢水煎清酒冲服若毒在下

焦加牛膝貳錢 孕婦忌加牛膝 凡腫毒初起急服此

方外敷遠志膏見卷十一癰毒諸方一切惡毒無不敷消

但宜早服方可消散遲則瘡毒已成膿必外潰無從消散

矣 又方 治癰疽腫毒不問寒熱虛實用遠志肉米泔

水浸洗去心爲末每服參錢酒貳杯煎服 渣敷患處



中國醫藥大學圖書館版權所有

治瘡毒初起

凡癰疽腫毒肚癰發背臍毒跨馬魚口等症初起三天之內照方壹服卽行消散如毒勢旺者連服叁服無不盡消用雞子壹枚傾入碗內攪勻入芒硝貳錢隔湯燒熟用好酒送食酒隨量飲食盡爲度

消毒神效丹

凡發背癰疽瘡毒初起敷之卽散已成者擦叁次收小出毒隨愈能易收功用生鮮山藥五兩不見火土紅硃壹兩松香壹兩全蝎十個白糖壹兩共搗如泥周圍敷之中間露出瘡頂不敷藥上加蓋油紙周時壹換



南京中医药大学图书馆藏

消毒神效 屢試屢驗

諸瘡內消散

金銀花壹兩 蒲公英五錢 皂角刺八分

花粉 大黃 乳香 木別 沒藥 防風

草各壹錢 水煎服

內消丸 治一切腫毒止痛神效

雄黃研細壹兩 滴乳香研細壹兩 蟾酥貳分酒煎化

和飯研如泥入前貳味爲丸如梧子大每服八九粒葱白煎

湯送下 又方 治一切癰疽發背瘰癧疔瘡漏瘡衛護

心膜驅解諸毒自然內消 用生明礬貳兩爲末 黃蠟



壹兩煎錢鎔化就爐上入礬拌勻衆手趕急作丸如梧子
大每服十五丸溫水或冷酒送下數服痛即止如漏瘡

雞肫內黃皮研末塞孔
瘡毒初起解散方

蒲公英 當歸身 生黃芪 甘草節各五錢

半煎服發汗即愈

治一切大毒初起

槐花子壹大把砂鍋內炒褐色好酒壹碗沖入乘熱飲之
取汗即愈未散再服又治一切大瘡無名腫毒經驗方
用豆腐渣在砂鍋內炒熟看紅腫處大小量作餅子貼上



南京中醫藥大學圖書館藏

冷卽更換以愈爲度

又方

天南星

生貝母

芙蓉

葉 狼毒各等分俱研末春夏用蜂蜜蛋清調冬用陳醋
調敷患中留出壹孔最效

治瘡毒簡便奇方

不論線香棒香研成細末以燒酒調和敷患處卽愈

治癰疽發背初起

或已結或未結赤熱腫痛未見頭頂或有一粒黃如粟米
者 先以濕紙貼上視其紙先乾之處者卽是結疽頭頂
處也取獨頭大蒜切片如叁個錢厚放在疽頂上用艾火
灸叁壯換壹片再灸痛者灸至不痛如不痛者灸至痛爲



南京中醫藥大學圖書館藏

度最要早覺早灸方發壹日者十灸十愈過七日則不
可灸矣若有十數頭者用大蒜搗成膏作餅鋪上聚艾
之亦能安也惟頭上及腎俞穴生毒不可灸元氣大補之
人亦不可灸又方川山甲四片黃明牛皮膠四兩
新瓦上炒焦研細和勻用酒調從容服完保無大患外則
牛皮膠少加姜汁熬如稀糊以布攤貼極妙此方濟人己
多未潰者微出黃水已潰者即能收口又方生甘草
節五錢金銀花叁兩當歸壹兩元參五錢花粉
貳錢白礬壹錢附子壹片水煎服初起者壹服即
消腫起者貳服即效